

第十五卷

汗證 暑證 癰疾 泄瀉 痢疾 脫肛 截腸證

古今醫理證治摘要

卷十五

古今醫理證治摘要卷十五

目錄

汗證

泄瀉

暑證

痢疾

癰疾

脫肛

附截腸病

汗證

經義

陰陽應象大論曰陽之汗以天地之雨名之

宣明五氣篇曰心為汗

陰陽別論曰陽加於陰謂之汗

評熱病論曰陰虛者陽必湊之故少氣時熱而汗出也

決氣篇曰津脫者腠理開汗大泄

骨空論曰風從外入令人振寒汗出頭痛身重惡寒 大風汗出冬譫譫譫在背下

俠脊傍三寸許

金匱真言論曰夏暑汗不出者秋成風癰

熱論曰暑當與汗皆出勿止

生氣通天論曰因於暑汗煩則喘喝靜則多言體若煩炭汗出而散 汗出偏沮使人偏枯 汗出見濕乃生痤癰 勞汗當風寒薄為皴鬱乃痼 魄汗未盡形弱而氣燂穴俞以開發為風癰 陽者衛外而為固也

評熱病論曰人所以汗出者皆生於穀穀生於精今邪氣交爭於骨肉而得汗者是邪却而精勝也 復熱者邪氣也汗者精氣也今汗出而輟復熱是邪勝也 汗出而脉尚燥盛者死

熱病篇曰熱病已得汗出而脉尚燥喘且復熱喘甚者死 熱病已得汗而脉尚躁盛此陰極之脉也死其得汗而脉靜者生 熱病者脉尚躁盛而不得汗者此陽極之脉也死脉盛躁得汗靜者生 熱病而汗且出及脉順可汗者取之魚際太淵大都太白瀉之則熱去補之則汗出太甚取內踝上橫脉以止之

寒熱病篇曰臂太陰可汗出足陽明可汗出故取陰而汗出甚者止之於陽取陽而汗出甚

者止之於陰

逆順篇曰無刺熇之熱無刺漉之汗

五禁篇曰五禁五奪五逆者皆不可刺曰大汗出之後是三奪也

平人氣象論曰尺瀦脉滑謂之多汗

邪氣臟腑病形篇曰肺脉緩甚為多汗微緩為痿痿偏風頭以下汗出不可止

本神篇曰衛氣者所以溫分肉充皮毛肥腠理司闔闔者也

經脉別論曰飲食飽甚汗出於胃驚而奪精汗出於心持重遠行汗出於腎疾走恐懼汗出於肝搖體勞倦汗出於脾 本病篇曰醉飽行房汗出於脾

水熱穴論曰勇而勞甚則腎汗出 所謂玄府者汗空也

舉痛論曰炅則腠理開營衛通汗大泄故氣泄矣 勞則喘息汗出外內皆越故氣耗矣 五變篇曰內不堅腠理疎則善痛風厥漉汗

痺論曰風寒濕三氣雜至合而為痺其多汗而濡者此其逢濕甚也陽氣少陰氣盛故兩氣相感所以汗出而濡也

臟氣法時論曰肺病者肩背痛汗出 腎病者寢汗出憎風

陰陽應象大論曰陽勝則身熱腠理閉喘麤為之俛仰汗不出而齒乾以煩冤腹滿死能冬不能夏 陰勝則身寒汗出身常清數慄而寒寒則厥厥則腹滿死能夏不能冬

脉要精微論曰陽氣有餘為身熱無汗陰氣有餘為多汗身寒陰陽有餘則無汗而寒營衛生會篇曰血之與氣異名同類焉故奪血者無汗奪汗者無血故人有兩死而無兩生脉要精微論曰肺脉奘而散者當病灌汗

六元正紀大論曰太陽所至為寢汗瘕

診要經終論曰太陽之脉其終也戴眼反折瘈瘲其色白絕汗乃出出則死矣

經脉篇曰六陽氣絕則陰與陽相離離則腠理發泄絕汗乃出故旦占夕死夕占旦死

論證 景岳全書

汗出一證有自汗者有盜汗者自汗者灑然無時而動作則益甚盜汗者寐中通身汗出覺來漸收諸古法云自汗者屬陽虛腠理不固衛氣之所司也人以衛氣固其表衛氣不固則表虛自汗而津液為之發泄也治宜實表補陽盜汗者屬陰虛陰虛者陽必湊之故陽蒸陰分則血熱血熱則液泄而為盜汗也治宜清火補陰此其大法固亦不可不知也然以余觀之則自汗亦有陰虛盜汗亦有陽虛也如遇煩勞大熱之類最多自汗故或以飲食之火起於胃勞倦之火起於脾酒色之火起於腎皆能令人自汗若此者謂非陽盛陰衰者而何又若人之寤寐總由衛氣之出入衛氣者陽氣也人於寐時則衛氣入於陰分此其時非陽虛於表者而何所以自汗盜汗亦各有陰陽之證不得謂自汗必屬陽虛盜汗必屬陰虛也然則陰陽有異何以辯之曰但察其有火無火則或陰或陽自可見矣蓋火盛而汗出者以火爍陰陰虛可知也無火而汗出者以表氣不固陽虛可知也知斯二者則

汗出之要無餘義而治之之法亦可得其綱領矣

一汗由血液本乎陰也經曰陽之汗以天地之兩名之其義可知然汗發於陰而出於陽此其根本則由陰中之營氣而其啓閉則由陽中之衛氣故凡欲疏汗而不知營衛之盛衰欲禁汗而不知橐籥之牝牡亦由盪舟於陸而駕車於海耳吾知其不敗不已也

一汗證有陰陽陽汗者熱汗也陰汗者冷汗也人但知熱能致汗而不知寒亦致汗所謂寒者非曰外寒正以陽氣內虛則寒生於中而陰中無陽則陰無所主而汗隨氣泄故凡大驚大恐大懼皆能令人汗出是皆陽氣頓消真元失守之兆至其甚者則如病後產後或吐大瀉失血之後必多有汗出者是豈非氣去而然乎故經曰陰勝則身寒汗出身常清數慄而寒寒則厥厥則腹滿死仲景曰極寒反汗出身必冷如冰是皆陰汗之謂也故凡治陰汗者但當察氣虛之微甚微虛者畧扶正氣其汗自收甚虛者非速救元氣不可即薑桂附子之屬必所當用余別有治案在傷寒門戰汗條中

汗出不治證

凡汗出不治之證有六 一汗出而喘甚者不治 二汗出而脉脫者不治 三汗出而身痛甚者不治 四汗出髮潤至顛者不治 五汗出如油者不治 六汗出如珠者不治 凡見此類不得妄為用藥

論治

一陽證自汗或盜汗者但察其脉證有火或夜熱煩渴或便熱喜冷之類皆陽盛陰虛也宜當歸六黃湯為第一保陰煎亦妙 其或陰分雖有微火而不甚者宜一陰煎或加減一陰煎之類主之 其有心火不寧煩躁出汗者宜硃砂安神丸天王補心丹生脉散之類補之

又有本非陰虛止因內火薰蒸血熱而多汗者宜正氣湯或黃芩芍藥湯清化飲之類主之

一衛氣不固腠理不密而易汗者是亦陰證之屬宜黃耆六一湯玉屏風散耆附湯之類主之

此條應在陰虛盜汗之後諸病誤治之前

一陰證自汗或盜汗者但察其內無火邪又無火脉便是氣虛陰證皆不可妄用涼藥以敗陽氣

汗證 證有不治 論治

若止因氣虛而火未衰者宜三陰煎參歸湯參建中湯之類主之 若氣虛火衰之甚者宜大補元煎六味回陽飲之類主之 若睡中盜汗而無火者宜參苓散獨參湯主之 若陽氣俱虛者宜參附湯建中湯之類主之

一諸病誤治有不當汗而妄汗雖當汗而汗之太過者皆汗多亡陽之證是亦陰證之屬當察其虛之微甚微虛者宜三陰煎五陰煎獨參湯之類主之大虛者非大補元煎六味回陽飲之類不可

一濕氣乘脾者亦能作汗凡證有身重困倦而脉見緩大聲音如從甕中出者多屬濕證若熱濕勝但去其火而濕自清宜用前陽證之法 寒濕勝者但助其火而濕自退宜用前陰證之法 或用玉屏風散四君子湯五君子煎之類以健脾土之氣則濕去而汗自收

一收汗止汗之劑如麻黃根浮小麦烏梅北五味小黑豆牡蠣之屬皆可隨宜擇用 一曰黃耆得防風而力愈大 一曰官桂最能實表 一凡汗出太多不能收者宜用五倍子方名蛟蛤散為末以唾津

調填臍中外用帕帛縛定過宿即止或用何首烏為末填臍縛之亦佳

一小兒盜汗雖是常事在東垣諸公皆曰不必治之蓋由血氣未足也然汗之太多者終屬氣分之虛余於兒輩見汗之甚者每以人參一錢許煎湯與服當夜即止正恐他日之強弱未必不由乎此所以培補之功原不可少

一病後多汗若傷寒若瘧疾凡係外感寒邪汗出熱退而有汗不即止者此以表邪初解必由腠理衛氣開泄其汗宜然即數日旬日亦自無妨俟衛氣漸實汗必自止無足慮也若其他雜證本非外感未解而有自汗盜汗者乃非所宜不容不治

述古

丹溪附錄曰心之所藏在內者為血發外者為汗蓋汗乃心之液而自汗之證未有不由心腎俱虛而得之者故陰虛陽必湊發熱而自汗陽虛陰必乘發厥而自汗汗皆陰陽偏勝所致也

立齋曰若陽氣虛弱汗出不止肢體倦怠用耆附湯上氣喘急盜汗氣短頭暈者用參附湯腎

氣虛弱盜汗發熱者用六味丸若腎氣虛之盜汗惡寒者用八味丸氣血俱虛而盜汗者用十全大補湯陽盛陰虛者當歸六黃湯心腎虛弱者班龍丸

汗證論內列方

大補元煎 補一

四君子湯 補二十二

五君子煎 熱六

六味丸 補三二

大建中湯 補四二

六君子湯 補二五

六味回陽飲 熱二

八味丸 補三三

一陰煎 補八

黃耆六一湯 補四九

十全大補湯 補三十

生脉散 補七二

三陰煎 補十一

當歸六黃湯 寒百五五

加減一陰煎 補九

獨參湯 補七一

五陰煎 補十三

參附湯 補四六

清化飲 因十

參苓散 補五十

保陰煎 寒一

參歸湯 補四七

正氣湯 寒百五四

耆附湯 補四八

玉屏風散 補五十

斑龍丸 補四五

人參建中湯 補三九

天王補心丹 補三二

黃芩芍藥湯 寒八四

硃砂安神丸 寒百八二

牡蠣散 固五十

柏子仁丸 寒百五六

辯證奇聞

一大病後日常遍身出汗此陽虛外泄腠理不能自閉也因病後氣血大虧氣不能入血中必致逼氣於膚外肺無自主之權又安能禁其氣之不泄哉究係陰不攝陽當補氣而兼補陰則陰能攝陽汗自止矣用攝陽湯人參黃耆熟地二兩白芍麥冬五錢五味一錢炙皮二錢十劑全愈 倘貧窮不能買參者倍加黃耆增防風五分必須多服數十劑乃效又方用子母雞吊死去毛另將桑葉用水酒煮濃汁炒雞肉數次地下攤冷每次用桑葉酒烹之作數次吃亦效若是雄雞雞連發病不用

一睡着後遍身出汗惟胸前更多此腎損心虛心熱腎寒兩相違背是為心腎不交乘其心君假寐腎邪竊發越出軀殼由心虛不振所致故名盜汗法宜滋補腎水水旺而心中邪火自平用防盜止汗湯麥冬五錢 棗仁熟地二兩 桑皮人參丹參茯神三錢 黃連肉桂五分 十劑全愈此心腎雙補自必離而復合若但止汗而不用補則不免輕變重重變危矣

一夜汗初出少後漸多每至五更方止日久愈甚此三陰虛極而陽未虛故至五更陽旺陰不敢敵而自轉所以盜汗乃止宜大補其陰必加陽藥提陰出於陽分始能陰陽協和用補陰止汗湯熟地二兩 桑皮五錢 人參二錢 沙參三錢 白朮三錢 地骨皮二兩 五味一錢 桑葉十片 十劑汗不出汗並治夢遺泄精

一每吃飯頭面頸項大汗淋漓身又無病此乃胃有燥熱藉穀氣而益升騰越出頭面也宜瀉胃火不損胃氣之法用收汗丹玄生地參三錢 五味三分 桑葉十片 白芍五錢 蘇子荆芥白芥子一錢 服一月愈妙在不泄胃火反去滋陰陰旺自能攝陽又能消痰定氣抑陽歸陰化汗為精久服始效

一人但心頭有汗一身手足無汗此思慮過度心液大虧心勞成瘵津枯生蟲必須滋腎殺蟲用起瘵至神湯熟地二兩 麥冬二兩 桑皮三錢 茯苓三錢 山藥三錢 鱉甲五錢 芡實三錢 白朮二錢 杜仲一錢 百部三錢

肉桂三分 十劑蟲死一月安二月愈

又有熱極心頭一塊出汗如雨他處全無此小腸熱極水不下行而走心前由毛竅而出用返汗化水湯茯苓二兩 猪苓三錢 劉寄奴三錢 分消水火各歸其源愈

一汗時有時無身如火燎骨髓內炎飲食漸少痰如白沫每至五更身凉便止此陰虛火動

水不制火所致用涼髓丹地骨皮丹皮一兩麥冬五錢金釵石斛三錢牛膝茯苓二錢服一月愈使陰旺陽平骨蒸勞瘵又何能成

一酒積傷脾五更作泄嘔吐盜汗久之奄忽飲食少思此雖酒從胃入脾皆受傷濕移於腎下泄必多不免陰亡宜先戒酒後解酒毒健脾益腎以救火土之衰用消酒散白朮棗皮苡仁一兩葛花二錢肉桂三分茯苓三錢三十劑愈

諸書方法

虛

方書無時出汗為自汗屬陽寐中出汗為盜汗屬陰虛用麻黃根蛤粉粟米等分為末袋盛撲之佳李時珍曰麻黃發汗驟不能禦根節止汗效如影響物理不可測如此自汗有風濕傷風風溫氣虛血虛脾虛陰虛胃熱痰營小暑亡陽柔痙等症皆可加用蓋其性能行肺胃汗袋引諸藥至衛分而固腠理又法用白朮藁本川芎等分為末糯米粉倍之和勻袋盛週身撲之或用龍骨牡蠣為末合糯米粉等分亦可撲汗或用蚊蛤散填臍中益佳

一陰虛火擾煩渴汗出無時者用當歸六黃湯加麻黃根瀉火滋陰以固其表勿論盜汗自汗煎服即止但胃弱氣虛者禁用

一陰虛有濕心血虧耗卧則盜汗微覺煩熱者用柏子仁丸養心寧神燥濕涼心歛汗止脫以固衛氣

一陽虛自汗心煩微熱者宜牡蠣散涼心生液實表止汗

一自汗無度用麻黃根黃耆等分為末飛羅麩打糊丸桐子大每用浮小麦煎湯下百丸

又方防風去苧為末每服二錢浮麦湯下 又方黑豆磨漿鍋內熬熟搗豆腐皮每食一張

用黑豆漿送下即效無病者逐日清晨吃之大有補益可免勞病之患

一盜汗不止用蓮子黑棗各七個浮麦馬料豆各一合水煎服或止黑豆浮麦二味水煎臨卧服三

四次愈 又方麻黃根椒目等分為末每服一錢無灰酒下 外以麻黃根牡蠣粉為

末撲身甚驗

一血虚心汗别處無汗獨心窩有汗因思慮多汗亦多宜養心血用白茯苓為末艾葉

煎湯服二錢日二次二日效 一方加烏梅同煎臨卧服治盜汗甚驗

一下元虛敗手脚沉重夜多盜汗此藥壯筋骨益元氣故紙鹽水炒兔絲子酒鹽水煮各四兩胡桃

肉一兩去皮乳香去油沒藥去油沉香各研二錢五分煉蜜九桐子大每服三四十九鹽湯下

又方酸棗仁人參茯苓等分為末每米飲服一錢

一諸虛自汗夜卧即甚久則枯瘦服牡蠣散極佳熱煩口渴者當歸六黃湯柏子仁丸皆妙

一病後虛汗口乾心燥熟地黃五兩水濃煎分三服一日尽或尿泡雞蛋煮服妙兼補虛勞

一身冷自汗甚則欲嘔小便清脉微弱者宜已寒丸治之並治暴瀉身冷方見

一皮膚血汗汗出似血者郁李仁去皮研一錢鵝梨搗汁調下

一傷寒後汗不止胆草研末一錢猪胆汁三滴入溫酒少許調服

一脚汗不止白礬一兩水煎洗脚或用楊花鋪鞋底及襪內穿之妙 又方蒼朮明礬為末